

Ангина и другие
болезни горла

Св. свщмч. Власию.

Тропарь, гл. 4:

И нравом причастник, / и престолом наместник Апосто-
лом быв, / деяния обрета еси, богодохновенне, / в видения
восход, / сего ради слово истины исправляя, / и веры
ради пострада еси даже до крове, / священномучениче
Власие, / моли Христа Бога / спастися душам нашим.

Кондак, гл. 2:

Божественное прозябение, цвет неувядаемый, / лозы
Христовы розго многострадальная, богоносе Власие, /
верую чтущия память твою веселия твоего исполни,
моляся непрестанно о всех нас.

Молитва.

Преблаженне и приснопамятне священномучениче
Власие, дивный страдалец и предстателю наш теп-
лый, по отшествии твоем в жизнь вечную призыва-
ющим твое святое имя пособствовать и во всяких
прошениях услышанным быти обещавай! Се ныне
к тебе уроднику Божию, яко ко истинному ходатаю
спасения, притекаем и смиренно молимся: предста-
ни нам в помощь, узам грехов связанным, подвиг-
нися на всемогущия твоя к Богу молитвы, и помози
о нас грешных: ты бо, недостойнии призывати
на заступление дерзаем, и желаем от всех грехов
наших тобою освобождение получить. О святче Божий
Власие! В сокрушении и смирении сердца нашего
пред тобою припадаем и молимся: осияй нас омрачен-
ных наветы вражиими, светом благодати свыше, да
в нем ходяще, не преткнем о камень ног наших. Ты,
яко сосуд в чаше избранный и исполненный благодати Бо-
жия, молим: сподоби нас, грешных, от исполнения твоего
желаемое прияти, и исцели наша душевныя и телесныя
язвы, грехом же нашим прощение и душевному и те-
лесному нашему здравью спасение полезное у Господа
испроси, да всегда прославляем Отца и Сына и
Святаго Духа, и твое милостивное предстательство
о душах и телесах наших, ныне и присно и во веки
веков. Аминь.

И читать 144-й псалом.

(Свщмч. Власию молятся об исцелении от многих недугов
и о помощи в различных нуждах).